



lat.komp.


9048


Augustianie

III



AUG. 90487





TERMINUS JURIS

Ex Actoratu Virtutis & Eruditionis.

Perillustri Clarissimo & Admodum Reverendi Domini,

**M. A N D R E Æ
L I P I E W I C Z,**

Utriusq; Juris Licentiati, Collegæ Juridici, Ecclesiarum Collegiatarum S. MICHAELIS in Arce Cracoviensi DECANI, SS. OO. Cracoviæ CANCEL-
LARI, Parochialis in Igołomia CURATI, Festorum SALVATORIS &
B. M. Virginis in Ecclesia Cathedrali Cracoviensi Ordinarii CONCIONA-
TORIS, Judiciorum Illiæ Consistorii Generalis Cracoviensis ASSESSORIS,
GEOMETRÆ Jurati.

legitimè

INCIDENS.

Et dum in Ecclesia Collegiata SS. OO. Cracoviæ.

à

Perillustri Clarissimo & Admodum Reverendo Domino

**M. J O A N N E
P A Ł A S Z O W S K I,**

Utriusq; Juris DOCTORE & PROFESSORE Collegæ Juridico, Ecclesia-
rum Collegiatarum SS. OO. Cracoviæ ARCH-DIAcono, Parochialium
Vieliciensis PRÆPOSITO, in Nakło CURATO, Contubernii Regio-Ja-
geloniani PROVISORE, protunc Facultatis Juridicæ DECANO.

In frequentissima Magnorum Hospitum præsentia.
ritu solenni renuntiaretur Utriusq; Juris DOCTOR.

Coram Actis publicis immortalis memoriæ.

P E R

**M. A D A L B E R T U M J O A C H I M U M
F O L T A N S K I,**

Philosophiæ DOCTOREM, Ejusdemq; Regium ac Tylicianum Eloquentiæ
PROFESSOREM, Collegam Majorem, Ecclesiæ Collegiatarum Sanctæ ANNÆ
Zielopolskianum CANONICUM, ibidemq; Ordinarium Festorum SALVA-
TORIS & B. V. Mariæ Concionatorem.

in ultima Honoris Doctoralis Instantia

DEDUCTUS.

Annò quò

Diva Themis unicuiq; reddens quod suum est, de Cælo prospexit.

Annò Domini 1762 Die 23. Mensis Novembris.

CRACOVIAE TYPIS COLLEGII MAJORIS.

TERMINUS JURIS ^{Legitimè} INCIDENS.

Quævis vitæ nostræ dies

Dies Juridica est;

Et quousq; in hac vita sumus,

hucusq; in processu existimus.

Ligati lege naturali nascimur,
pro discretionē uniuscujusq; annorum,

ipsa nobis jus dicit conscientia.

Etsi quandoq; nostri juris dicamur domini,

tamen nunquam exleges vivimus.

Est competens unicuiq; Forum,

quivis meriti vel demeriti Locus.

Nulla hic illegibilis dies,

ubi semper actricem agit,

quæ in actione consistit, Virtus.

Nullus Personarum delectus,

ubi pro Tribunali ipsa sedet Justitia,

quæ unicuiq; quod suum est reddere jubet.

A Definitiva hoc in Areopago appellare sententia

esset æqui honestiq; velle transgredi regulas.

Etsi ubiq; locorum diligentibus faveant jura,

hic tamen præcipuè & maximè.

Enumera tantum cum Sicinto Dentato

quadraginta quinq; vulnera,

Et centum octuaginta tres recipies Torques.

Deduc cum Scipione deletam à Te Africam,

Et præter triumphales Currus, Civicasq; Coronas,

à Virtute delumptum Africani tibi adjudicabitur Nomen.

Et

Aug. 9047

Et ideo;

quicumq; ex Actoratu virtutis legitimè inciderit *Terminus*,
nunquam infirmari potest.

Etenim

juris & æqui integerrima custos

quæ de Cælo prospexit Justitia

etiam invitos ad mensam Jovis rapit *Ganymedes*,

etiam agrè terras deferentes inter Astra locat *Hercules*,

modò in *Termino ad instantiam Virtutis incidente*,

his, à rectèfactorum pulchritudine,

illis, à magnitudine *vix non supra vires humanas* gestorum,

sint faveantq; domi atque foris producta,

visa, salva, illæsaq; documenta.

Non est proinde res in disceptatione ambigua,

quòd Doctorem Utriusq; Juris Cathedram,

ex ipso jure optimo conscendis,

PERILLUSTRIS Neò DOCTOR,

quia ad illius, cujus jam in possessione es intromissionem

non Te aliqua levis fortis alea promovit,

non larga fortunæ munera extulerunt,

non aliorum calcata capita gradus struxere,

sed in incidente ex Actoratu virtutis & eruditionis Termino,

ipsa distributiva Justitia

pacificè & cum solemni plausu introduxit.

Enimverò,

quorumvis rectè sentientium hoc fert sententia,

quòd si ex antecedentia meritorum.

Doctorem in Utroq; Jure recipis Lauream,

quæ dignum Tui exoptabat caput

recipis quovis Titulo debitam Tibi mercedem.

Proinde

non casu aliquo, fortuita sæpius adserente,

sed arcanò quodam consilio factum esse censeo,

quòd hic in ultima Doctoralis Honoris Instantia,

ex Actoratu Virtutis & eruditionis Terminus

in hodiernam legitimè inciderit feriam.

Est Divo CLEMENTI Sacra dies hæc,
unde etiam dicendi *Juris Pontificii* feria est.

Silere hodie deberi Jura quis inficiabitur,
ubi ex ipsis *Clementinis* deducitur *Juris Terminus*.

Si ad mentem Hujus *Capitis*

Quod *Supremi in Calis Legislatoris & Judicis*

Caput in terris Visibile est,

dabas responsa *Jurisconsultissimus PROFESSOR,*

ad diem *Juris Pontificii,*

jure merito Cathedram conscendis DOCTOR.

Ut Tui Merita, gesta, factaq;

quæ non modò in oculis gravissimorum Virorum,

sed etiam in ore selectioris populi versantur,

fastis & annalibus immortalis memoriæ infererentur,

non unâ, unius Scriptoris opus esse pennâ,

etiam exinde quodammodo luculenter constat,

quòd Hic in PETRI Cathedra PONTIFEX Sanctissimus,

Septem *Urbis* illius, quæ *Urbium Urbs* est, *Regiones,*

septem diviserit NOTARIIS.

Et ideo

in hodierno legitimè incidente *Juris Termino,*

hoc ipso videre mihi succumbere videor,

quòd in hoc peraugusto *Divæ Themidis Arcopago,*

sine omni Monitorio comparens peremptoriè,

minimè paratus, rectefactorum Tuorum producam documenta,

Utriusq; *Juris Neò DOCTOR.*

Sed sunt illa, non modò Urbi Regnoq; huic patetica,

ast simul potiori in parte, Orbi *Europæo* nota.

Si in ipsis Juris Accessorius

opus informatione à Patria?

est *Septemtrionis Ocellus,*

Bonarum Artium & Virtutis Seminarium,

Orthodoxæ Religionis Nidus,

Regum in Sarmatia coronandorum Sedes,

pervetusta ad Vandali ostia *CRACI Colonia,*

Hæc

*Hæc verior Berecynthia
etiam in terris Cæli Indigetum Parens,
jam in cunis Te fove dignum geuit.*

Etenim;

quidquid de *Tyrinthia* adhuc in fasciis *Heroa*,
Vatum referunt commenta,
hoc veriùs de Te in teneris dicendum foret.
Immissos ille ab invisa Junone disrumpebat serpentes,
Tu *Almæ Scientiarum* hac in Urbe Matris,
benignum susceptus in sinum,
non unum latitantem sub herba disrumpebas serpentem,
qui studiosis sæpè sæpiùs mentibus,
*est coluber in via,
cerastes in semita.*

Aliàs;

otium illud, *quod animarum pestis est,*
& quod adolescentium animos & *inficere & infirmare facit,*
fugiendo semper gloriôsè vicisti.

Nempe;

sedulam illis Artibus dabas operam,
quæ ad quævis maxima formata in Te indoles,
& non irrita Superiorum expectabant vota.

Ea singula vidit & probavit in TE

Ingeniorum Ocellus

Domus Jagelonicæ hoc in Regno Pupilla,

Regia hac in Universitate Academica Pallas,

hinc TE in *incidenti virtutis & eruditionis Terminò*

post cognita primorum principiorum abdita,

post superata montis Parnassii frontiscopia,

post devictos ad Eloquentiæ postes, dracones,

post tranata Eurippi Philosophici vada,

Cui in Arena Literaria Victori una non sufficebat Corona,

binis in Philosophia & AA. LL. redimivit Laureis.

B

Rece-

Recepisti feliciter primam Lauream, (a)

Sub felicissimis Auspiciis

Magnifici olim & Reverendissimi Domini,

M. JOANNIS LUKINI,

U. J. DOCTORIS & PROFESSORIS,

Collegii Juridici SENIORIS PATRIS,

Ecclesiæ Cathedralis Cracoviensis CANONICI,

Universitatis hujus RECTORIS vigilantissimi, &c:

Quæ Tibi contulerant eam,

quàm felices fuerunt manus illæ,

Illustris olim Clarissimi & Admodum Reverendi Domini,

M. IGNATII HERKA,

Philosophiæ Doctoris, ejusdemq; Vladislaviani Cursus Professoris,

COLLEGÆ MINORIS,

quæ, quidquid suô attingebant calamô,

extra fabulam illud fiebat aurum,

cui adusq; vix non totus est in Lydium lapidem Orbis.

Vir hic, Cui parem expectant sæcula,

propè Divinô ingenio,

facile Philosophorum Princeps,

Oratorum & Poëtarum Phœnix,

si qua Cæli intueretur parte,

hoc etiam ad suæ portionem in terris gloriæ

non modicum accedere videret,

quòd TE in Facultate hac,

quæ omnium Facultatum Seminarium est,

Laureatum fecerit Virum.

Protegente ac benedicente Dextera

Eminentissimi olim Celsissimi ac Reverendissimi Domini,

JOANNIS ALEXANDRI

in Lipe

L I P S K I

Sacrosanctæ R. E. Presbyteri CARDINALIS,

EPI-

(a) *Annus Promotionis Perillustris Neo-Doctoris 1739. Ex Libris Promæ*

EPISCOPI CRACOVENSIS,
Universitatis hujus CANCELLARII faventissimi,
Philosophiæ & AA. LL. factus DOCTOR,

*sicut bene & feliciter ascendisti Cathedram,
ita ex illa nisi cum solenni plausu descendisti.*

Non sunt hæc verborum lenocinia,
quæ candore Academico conspicuus Vir refugit,

PERILLUSTRIS Neò-DOCTOR.

Præter ordinarios & extraordinarios Actus,

qui sicut in Universitate nostra,

& unaquaq; Facultate publici sunt,

ita intimantur publicè

& quorum testes Libri Decanales sunt, (b)

quamcunq; PHILOSOPHUS suscepisti Spartam,

si cui non eripuisti palmam,

tunc nemini porrexisti herbam.

In hujus rei documentum,

statuendi fuissent tot omni exceptione majores Viri,

quot quot & his audierunt auribus, & hisce viderunt oculis,

quanta vi ingenii, Tibiq; innata dexteritate,

& quanto cum animi bene instructi robore,

ex universa Thomisticò-Aristotelica Philosophia,

nuper extraditas publicè defendebas Theses.

Sed sufficiet grave judicium & testimonium,

Qui est & Ingeniorum Arbiter prudentissimus,

& Virorum Ponderator sapientissimus,

laboriosissimus olim Philosophiæ PROFESSOR,

nunc Sacræ Theologiæ emeritissimus DOCTOR,

ad præsens Universitatis Nostræ

RECTOR MAGNIFICUS,

M. CASIMIRUS STĘPŁOWSKI,

Rerum Academicarum Stator Maximus,

Almæ hujus Matris Filiorum Pater amantissimus,

Cui ut nihil dulcius quàm laudanda agere,

sic nihil molestius quàm laudari.

Bz

Huic

(b) Actus pro Toga & aliis ex Turno in Philosophica Facultate Disputationes absolvit. En
Metricâ laborum Facultatis Philosophicæ.

Huic Divino Platoni,
 Tu unus in publico suffecisti Aristoteles;
sub Cujus Præsidentia, & quo Magistro
primas inter Philosophos obtinuisti partes.
Si nullas turbulenti maris expavescebant procellas,
qui olim Caesaris vehebant fortunam.
 Potuit ne hæc in Aristotelico Eurippo naumachia,
 latrantes Scyllas, voracesq; vereri Charybdes,
qua sub felicissimis auspiciis nuper
affinis Imperatorum Thronis,
Regum cognati Majestatibus,
 Illustrissimi PONINSCIORUM Nominis,
 feliciter in æquore Philosophico fuit absoluta.
Jam Te tunc loquebantur minores
maiores verò stupebant cura,
 Utriusq; Juris Neò-DOCTOR.
 Nactus fuisti publicum Tux eruditæ Virtutis Theatrum,
Meditullium Orbis Europæi
 MAJOREM POLONIAM,
 situ loci amænissimam,
 Viris in Toga & Sago percelebrem Provinciam,
 coram cujus semper Maximis Proceribus,
 ita Academicum portasti Nomen,
 ut hucusq; ejus laudes manerent.
 Propinabas dulcem Hypocrenen (c)
 Academicis ad fluenta Varta Musis,
 & quæcunq; ad Lubranscianam Pinum dabas responsa Vates,
 illa pro Delphicis, licet extra Delphos, habebantur oraculis.
Si olim septem Civitates certabant pro HOMERO,
quarum unaquaq; suum dicebat Civem.
 Pro Te Minor & Major certabit Polonia,
 dum in utraq; earum Metropoli,
 non una Tui legitur, & revolvitur Ilias.
 Sunt pleriq; qui ligatis assveti pedibus,
 soluti verborum vinculis, vix liberè incedere possunt.

Tu

(c) Poesim in Academia Posnaniensi tribus annis docuis.

Tu æquè Orator, & Pòëta,
 in Cujus *extra Fyrri annulum* erudita mente,
 non modò *Musa* posuere Parnassum,
 sed simul *Romana gloria lingua*
 suam extra *Latium* explicat Majestatem.
 Si ad numerum Heroum erant canenda Gesta,
 adfuisi *Mantuanus Olor*,
 si liberiùs extollendi non unius Augusti victoriæ,
 nunquam inter Togatos Proceres defuisti *Tullius*.
 Quotquot sunt ubiq; locorum Typis impressa,
 luce publica digna Tui Opera,
 tot habentur Tux eruditionis non obscura documenta.
 Ingredientem nuper Capitanealis in Majorica Honoris Capitolium
Illustrissimum olim ac Excellentissimum Dominum,
VLADISLAUM à Szoldry SZOLDRSKI
 Majoris Poloniæ GENERALEM,
 non modò *Academiae Lubransciana* Nomine
 facundissimo plus quàm ad gloriam salutasti ore,
 sed simul aurò cedròq; notanda Ejus gesta,
 eruditâ pennâ, immortalis memoriæ inserendo Actis,
 Panegyrico *Academiarum more*, excepisti cultu. (d)
 Auger Tux eruditionis lucem
 ŁUKOMSCIANA in *Accrescenti Luna*,
 quam post *quinquaginta annorum* revolutionem,
 in BERNARDI, super vallibus *Lande*, fontibus,
 ad *Solem Justitiæ* accedentem,
 perspicacissimæ mentis astrolabiò demonstrasti, (e)
 Habuit plures *Mecanates*,
 semper Viris eruditis locupletissima
 sed censibûs & proventibûs inops
 illa perantiqua Colonia,
 cùm Te habuit *Maronem*.
 Mons eras *visionis*, super Carmelo *Posnaniensi*,
 an veriùs primæ magnitudinis Sidus,

C

dum

(d) Posnania Typis impressas edidit Panegyres imam pro solenni ingressu ad Arcem Posnaniensem
Illm. Szoldryski sub Titulo Jason. &c.

(e) Idem pro secundis Primitiis Illm. & Rndissimi Nicolai Łukomski Abbatis Landensis sub
Titulo: Accrescens &c.

dum expositas publicè oppugnando Theses; (f)
dispellendo ignorantiae tenebras illustrabas obscura,
& sic per lucem Tuæ sapientiae in Auditorum animos influebas.

A. Philadelphico DOMINICANORUM Ordine
in Thomistico-Aristotelicam provocatus arenam,
quotquot argumentorum vibrasti tela, (g)
tot armis pro *Angelici Doctoris* stetisti Schola,
non inermis tamen ex acie Victor rediisti.

Te suum fatentur HIRONEM
quos tantum præter *Avitis claris triumphis* NIEGOLEWSCIOS
CAPITANEIDAS Pobiednicenses,
à Tui in omnibus perspecta Directione,
contra capitales ignorantiae & Patriæ hostes,
domi privatimq; peroptime & gloriosissime instructos,
habet magnos MAJOR POLONIA,
in Toga & Sago Confos Achillesquè.

Hæc & plura alia Meritorum Tuorum documenta,
quod fideliter *ex actoratu virtutis & eruditionis* fuere desumpta
præter publicam ore populi famam,
quæ etiam in fure aliquam probationem habere dicitur,
non defuere Tibi omni exceptione majores Testes,
de Ecclesia DEI & Patria meritissimi,
Magni illius *Majoricæ* Viri,

Quorum non postrema pars, imo prima frons est,
PRINCEPS *Celsissimus*. DUX in Klewan & Zukow
THEODORUS CZARTORYSKI Poseniensis,

Illustrissimi & Reverendissimi Domini
THADÆUS *de Kierz* KIERSKI *Bolinensis*,
JOSEPHUS Comes *de Werbno* olim *Niochensis*,
quibusvis *Infulis* *Tiarisq;* digni EPISCOPI;
Quibus ut nota fuit Tui erudita virtus,
sic quæ privatim, quæ publicè,
evidentissimis, *amoris & æstimationis,* comprobata documentis.
Stetisti tandem hac Regia D. JAGELONIS in Aula,
in incidente *ex Revocatoriis* Termino,
sed quoniam *Terminus* hic,
necdum in ultima fuit Instantia,

debiti

(f) *Posnania* disputavit publicè imò apud PP. Carmelitas *Belgæ*.

(g) 2do apud PP. Dominicanos.

debiti, & Tuis Meritis correspondentis Honoris,
 ideo virtus & eruditio Tua,
 ad superius curarum laborumq; appellavit *Forum*.
 Sed agnoverunt, & probârunt.
 Virorum & Ingeniorum in hac Universitate Arbitri,
 quomodo in *Posnaniensi Academia*,
 in instruenda Tux Institutioni commissa Juventute
 omnes boni & laboriosissimi Professoris explevisti partes,
 dum Te *publica* hac Regni in *Schola*,
 publici Professoris exornârunt cohonestâruntq; Titulô. (h)
Sit & latè diffusum, & nimis profundum
Romanis è collibus fluens Tullianæ Eloquentiæ aquor,
in quo die nocteq; ingeniorum remis navigantes Palinuri,
si illis quandoq; in nuda non contingat harere arena,
vix non quotidie novam dicendi adinveniunt Coloniam.
 Tu in hoc, falsi quidem sudoris, sed dulcis eloquii mari
 peritissimus *Classium Novodvorscianarum* Archinavarchus,
 quæ in nobilissimis magnæ spei *Ascaniis*,
 non jam unius *Cæsaris*,
 quia *Poloniarum* Regni vehunt fortunam,
 ita has plus quam *Argolicas* dirigebas Naves,
 ut illas nec fluctus indies novi,
 in periculosissimos retulerint vortices,
 nec consurgentes ab adverso *Aquilone* tempestates,
 à ter quaterq; beato exoptatæ spei promuntorio
 retardare potuerint,

Idcirco

non unam navalem brevi meruisti Coronam.
 Dicitur Cicero omnem Græcæ facundiæ laudem,
 transtulisse in Latinos.
 Tu alter *Cracoviensi* in *Latio* Tullius,
 omnem Romanæ Eloquentiæ majestatem
 in *Poloniæ* transferebas Oras,
 cum in *Facultate* Oratoria Auditores,
 curabas efficere *Ciceronianos* Oratores.

C2

Ipsis

(h) *Redux Posnamâ unô annô in Classibus Vladislaviano-Novodvorscianis fuit Scholæ Rhetorices Professor.*

Ipsis etiam quos nimis attollit Græcia Oratoribus,
eripuisse, non cessasse visus es palmam.

Est Tibi ea quæ *Theophrasto* Styli gravitas.

idem qui *Isocrati* dulcis eloquii torrens,

in excitandis animorum motibus

es alter *Demosthenes*,

in conciliandis audientium mentibus

vel *Nestor* efficax, vel gravis *Homerus*.

Te in omni Causarum & dicendi Genere,

politum versatum, atq; excellentem.

etiam ii, qui familiares Tuiq; audiunt discursus,

non sinunt ubiq; locorum fateri.

Nullus Te pressior ac politior;

cum tantum etiam hodie opus fuerit,

nullus æquè fluidior & facundior!

Felicem sui Academiam dicebat Plato,

quod ex illa unus Philosophorum Princeps prodierit.

Sed feliciores longè Tui Athenæ

ex quibus non unus prope Oratorum prodit Princeps.

Jam pleriq; Togam induti,

contra conjuratos in perniciem Patriæ Catilinas,

perorant in Senatu Cicerones.

Jam per quævis in Ecclesia & Patria Subsellia

cujusvis authoritatis gerunt Magistratus,

Legum Patriarum, & Fidei Orthodoxæ Assertores.

Quæ nuper in *Professoralibus Tuis Manibus*

nobilissimum suæ Familiæ reposuit Florem,

Illustrem olim ac Magnificum Dominum,

ADAMUM in Niszczyce NISZCZYCKI

CASTELLANIDAM Raciążen: CAPITANEUM Bielscensem

Illustrissima SZEMBECIORUM Domus,

illa hodie in hoc Juris Terminò

Tuæ Doctorali Utroq; in Jure Laureæ

Gentilitias suas innectit Rosas.

Romanorum renovando morem

Te inexhaustum omnis eruditionis Fontem,

ex quo quæ in publico, quæ intra domesticos lares,

impi-

limpidissimos omnis eruditionis hauriebant rivos,
BIELSCII, WISEMBERGII,
LODZINSCHII, TARNOWSCHII, &c:
Magna Illustrissimarum Prosapiarum Nomina,
herbīs sua æviternæ gratitudinis non sinunt redimire,

Iusuper;

Illustrissimi Divi Cælorum Indigetes,
Principes MICHAELIS GEDROICII,
Doctores Angelici DD. AQUINATES,
S.R.E. Cardinales BONAVENTURÆ,
in hodierno Juris Termino,

Tui emeriti Honoris videntur promovere Causam;
pro Quorum immortalibus in Cælesti gloria Laudibus,
facundissimum ex Exedris egisti ORATOREM.
Sed sunt æviternis Literarum mandata munimentis
quæ vel Tuo protulisti ab ore,
vel aliis proferenda mandasti.

Et proinde;

in incidenti Juris hodierno Termino.

Virtus & eruditio Tua satis probationis
videtur habere,

dum ex documentis ingenii Tui,
illa publicam in lucem exponit testimonia,
quæ visa, lecta, typisq; mandata sunt.

His tantum publicæ æstimationis assecutus es,
quantum alii sibi grandibus voluminibus compararunt.

Visendum super terram reliquisti
quoddam grande spectaculum,

Tui nuper ingenii delineatum penicillō

Illustris verò ac Magnifici Domini

ADAMI in Niszczyce NISZCZYCKI

publica in Dignissimorum Hospitum Corona
demonstratum.

& sub Illustrissimo & Excellentissimo NOMINE

D ALE-

ALEXANDRI Comitis in Słupow SZEMBEK,
PALATINI Siradiensis

Luci publicæ expositum. (i)

*Et quamvis humanis non egeant laudibus,
Cælesti circumfusi gloria Divi Calites,
tamen Quos suscepisti laudandos,
Illis æternum decus honoremq; addidisti.
Nunquam melius patere potuit,*

*Proportio omnimoda
virtutum ad sapientiam, & sapientia ad virtutem,*
in D. Universitatis hujus PATRIARCHA.

B. JOANNE CANTIO

quàm cum illam inter Illustrissimos Hospites
& in præsentia

PRINCIPIS CELSISSIMI

Illustrissimi, Excellentissimi & Reverendissimi Domini,

ADAMI KUMOROWSKI

ARCHIEPISCOPI Gnesnensis, PRIMATIS Regni,

Illustris ac Magnus Dominus

JOSEPHUS de Tarnow TARNOWSKI,

adpræsens CANONICUS Łowiciensis,

Celsissimo ejusdem PRINCIPIS dicatam Nomini, (k)
satis diserto ex Cathedra demonstravit eloquiò.

Homeri Iliadem;

quæ magnorum Heroum, heroica continebat gesta,
die nocteq; revolvebat Victor Orbis *Alexander.*

Bene limata Tui ingenii volumina,

sententiarum floribus refertissima,

quæ omni exceptione majorum

in hac Universitate Procerum,

immortali memoriæ traditas Laudes & Merita referunt,

eruditis omnium volvuntur & revolvuntur manibus.

Fatentur Te quivis prudentiores, ingenio & calamo
non modò ter, sed quater felicem,

qui

(i). Pro Immaculata MARIE Conceptione sub Titulo: Punctum Orbe majus Typis impressam
dedit Orationem. (k) Iterum pro Festo B. Joannis Cantii sub Titulo: Proportio omnimoda
virtutum ad sapientiam, sapientia ad virtutem,

Orbis Literarii Cardines
SZYMAKOVIOS, FILIPOVICIOS,
PALASZOVIOS,
 & adpræsens Universitatis, Majorisq; Collegii Seniore Patrem
Perillustrem & Reverendissimum Dominum
M. ADALBERTUM GRZYMALA,
 Ecclesiæ Cathedralis Cracoviensis CANONICUM,
 annis, meritis, & laboribus grandævum,
 seræ etiam ob immortalia gesta posteritati venerandum,
 in *Quadrato* laborum, meritorum & scientiæ,
 dum Sacræ Theologiæ ritu solenni renuntiarentur DOCTORES
 benè aptato calamo delineasti perfectissimè. (l)
Dies diei indicabit scientiam.
 Laborum, Laudum, & Meritorum,
 Magnifici olim Universitatis hujus RECTORIS
M. CASIMIRI JARMUNDOWICZ,
 Quem non modò publica volans, per Orbem fama divulgat,
 sed simul immortalia rectefactorum loqvuntur documenta,
 quam circa obtinendam Ejus
 Utroq; in Jure Doctoralem Lauream
ex Promulgatione legis 12. Tabularum.
 sine omni in Jure disceptatione evidentissimè leget, (m)
 Visus est quodammodo motus esse suis in cardinibus,
 Orbis Literarius,
 dum illa Universitatis hujus ceciderint Columina.
 Utriusq; Juris DOCTORES emeritissimi,
MICINII, & KUTLINOVII.
 sed fecisti, ut aliis super rudera fatalis stetissent sortis,
 dum illis ingeniosissimus *Policletus*,
 visendos hucusq; arte Oratoria crexisti *Colossos*
 quibus auro cedroq; notanda insculperentur Facta. (n)
 Tui altitudine Ingenii,
 etiam *Theologici Maris* attigisti profundum.
 Expositas de *Prædestinatione* Theses,

Dz

ita in

(l) Scripsit Panegyrum pro Doctoratu Sacræ Theologiæ Perillustrium Szymakowski, Filipowicz,
 Palasowski & Grzymala. (m) Item pro Doctoratu Utroq; in Jure Perillustres Jar-
 mundowicz. (n) Item pro Funeribus Perillustrium Kutlinowski & Micinski.

ita in D. Jagelonis Lycæo defendebas publicè, (o)
ut publicos *Theologus* merereris plausus.

In Academico-Diœcesano Cracoviensi Seminario,
annis tribùs VICE PRÆFECTUS (p)
eos ad Vineam Christi mittebas Operarios,
quos Ipse, *Qui Filius Agricola* dicitur, invitabat.
Æqui honestiq; semper amantissimus,
ad erudiendum in Schola Cælestis Magistri alios,
salutaria dabas præcepta.

Ipse à via mandatorum Domini non devius.
Percelebrem MATHEMATICORUM Scholam
ASTROLOGUS & GEOMETRA Juratus,
Tuis Lucubrationibùs

quantum ubiq; locorum exornaveris,
vel ipsa testatur Mathematica Quæstio,
quam pro DOMO respondens Minore
Luci exposuisti publicæ (q)

Si hæc explicat luculentius,
illam percelebrem apud *Euclidem* Propositionem,
qua inventâ, Samius Philosophus ille Pythagoras,
fertur mille Diis immolâsse boves;
Quam, qualemvè Tibi debeant votorum victimam?
quorum Megarensis Philosophus *Euclides,*
Parens est & Magister.

Non modò adiisti & penetrâsti feliciter,
sed simul capacissimæ impressisti menti,
quidquid de DEO inaccessum *Aquinas,*
de entis universitate *Aristoteles,* sublime,
de Cælorum circulatione *Ptolomæus* arcanum,
de Orbis terraquei situ profundum *Archimedes,*
vel dixit, vel immortalis memoriæ tradidit munimentis.

Ad illud vocatus Collegium,
ex quo Delphici non petendo oracula Phæbi,
habet quâ latè patet Sarmaticus Orbis,

non

(o) Defendebat Conclusiones Theologicas de Prædestinatione pro Doctoratu Perillustis olim Goszkowski. (p) In Seminario Academico-Diœcesano Cracov: Electionis, Fundationis, & Dotationis Zalusiana; fuit tribùs annis Vice-Prefectus. (q) Respondendo pro Collegio Minore extradidit Quæst: in tota Mathesi famosissimam circa Propos: 47. Lib: 1. Euclidis.

non dubia Utroq; in Jure sumit Responſa,
in primo ſtatim demonſtrâſti Ingreſſu,
quòd Tecum Areopagum feras.

Etenim;

quidquid ad *Juriſconſultorum Privilegia*,
vel deſiderari, vel requiri potuit,
& quidquid ad Divæ Themidis,
vel integritatem, vel pompam fieri debuit,
in expoſitis publicè,

trinîs Juridicis Quæſtionibus, (r)
probâſti & evicîſti ex Cathedra Profeſſor.

Maturò, totius Univerſitatis judiciò,
JURISCONSULTORUM annumeratus Cætui,
in expoſita de Caſibus fortuitis Quæſtione, [s]

id jam voluîſti deducere,

quòd legitime incidente,

hodierno Juriſ ex aſtoratu Tua eruditionis Terminò,
nihil ſibi debeant caſus & fortuna.

Te nunquam ſatis deprædicare poterunt,
Sacræ, in quibus Sacrum egiſti Oratorem Exedræ,
ſed quoniam hæc & patetica ſunt documenta,
& omnium auribus oculisq; ſubjecta,
illa recensere quodammodo ſuperfluum eſſet.

Seqvuntur Te quocunq; vocas hominum ſenſus,
qui cùm dicere incipis,
ita pulſas audientium animos,
ut commotos, expugnatoſq;
ducas victor in triumphum.

Sive legentium, ſive audientium corda,
quæ dictis, ſcriptisq; proferſ,
ad rerum Cæleſtium excitabas deſiderium.

Quomodo in omnes animorum motus,
ducebas, duciſq; audientium animos,
non modò celeberrimæ hac in *Metropoli* Exedræ

E

publi-

(r) Defendebat Concluſiones Juridicas in Doſtoratu Perilluſtrium Mamczyński, Paſaſzowski, &
Jarmundowicz, de Privilegiis Juriſ-Conſultorum &c. (s) Reſpondenda pro Collegio Juriſ-
diſco. extradidit Quæſt. de Caſibus fortuitis.

publicum reponerent testimonium
 sed simul testari non desinet,
 Ecclesia Cathedralis Cracoviensis,
 ubi è Cælesti rore conceptas loqueris gemmas,
 quæ trinis *Vavelli* dignæ sunt inferi Coronis
 Inflammatus zelô Divini Honoris
 super sito ad *Vandali ostia* Monte
 alter **ELIAS ANDREAS** es.
 Cui illa non desunt fulmina,
 ad quæ
 non modo Oratoria accendantur lumina,
 sed etiam Virorum Ingeniorumq; nascantur Uniones.

Alas;

ad virtutis honestatisq; amorem
 hos svavi allicis eloquiô,
 illos à recta Mandatorum DEI deviantes semita
 ad æqui honestiq; regulam
 severô reducis superciliô;

bene gnarus
quibus stimulo, & calcari opus,
 Plus quàm Hybleâ Tui facundiâ,
mellifluus celebratus DOCTOR,
 non ne testatur,

Quod Attica, in ore Tuo mellificârunt apes.
 Et quam D. BERNARDO laudem,

non ex unô Fonte Sacer eruisti Orator, (t)
 quòd Te manebunt ipsæ,
sunt Typis expressa documenta.

Etsi ipsam Urbium appellaret ad Urbem,
 Tua erudita virtus,

ex ipsa Romana Curia sui haberet documenta.

Eras amorì Romæ, & Tibi erat amor Roma. (u)
 ni hæc & Caput Orbis,
 & sedes Sapientiæ fuisset,

eam

(t) Pro Festo S. Bernardi habuit Concionem sub Titulo: *Doskonatosc troista &c; Andreovia*
 Annò 1762. quam Typis tradidit. (u) Ex Fundatione *Slovikoviana* fuit Roma annis tribus.

eam spoliata eruditione dixissem,
in tot evectis, conductisq, à Te Voluminibus.

Rediisti iterum ad illam,
 non aliquam tui in parte rationem daturus,
 sed Universitatis hujus D. PATRIARCHÆ,
 B. JOANNIS CANTII,

in sui Processu Causam promoturus. (w)

Et qua pietate hanc suscepisti spartam,
 eodem zelô repetitis vicibus

ad Sedem Regum Varsaviam deputatus

Prærogativas, Jura, & Privilegia

Universitatis hujus propugnasti. (x)

Debet Tibi plurimum hæc Regni Schola,

pro cujus integritate & Legibus,

coram Purpuratis Proceribus stetisti fortius,

quàm olim Hector pro Troja,

& Achilles pro Graciâ

Illustrissimi Consistorii Cracoviensis

ASSESSOR,

Approbandorum, & Ordinandorum

CENSOR,

pro Ecclesiæ, & totius hujus Diœceseos emolumento,

etiam virium tuarum non parcis impensis.

Hæc Tui inæstimabilia Talenta,

plurimum appretiat sibi,

Ingeniorum & Virorum Lydius Lapis,

Literarum ac Literatorum

Protektor Maximus,

in Ecclesia DEI meritissimus

Illustrissimus & Reverendissimus Dominus

FRANCISCUS de Potkana POTKANSKI,

EPISCOPUS PATARENSIS,

OFFICIALIS Generalis Cracoviensis,

E2


Cui


(w) *Missus fuit Romam Portitor Processus B. Joannis Cantii.* (x) *Quater fuit Varsavia in Universitatis negotiis.*


Cui placuisse, est Tui laus non postrema,
 Nec minoris apud se æstimant pretii
 Te Virorum Gemmam,
 Infulata, & Infulanda
 hujus Cracoviensis Cathedræ CAPITA,
 à Quibus gravissimum est Tibi iudicium.
 Sed quid magis probare potest,
 Tui quovis in Magistratu sapientiam,
 cultusq; Divini qui in Sanctis Ejus propagari solet,
 zelum ardentissimum
quàm Venerabilis Servi DEI,
VINCENTII de Rosis KADŁUBEK,
 primò EPISCOPI CRACOVIENSIS,
 dein Sacerrimi Cisterciensium Ordinis PROFESSI,
Beatificationis Causa
 prudentissimo Tui subjecta iudicio. (y)
 In hac SUP-PROMOTOR Fidei zelosissimus,
 quantum laboras, & defudas
 vel ipse Andreoviensis Cisterciensis Conventus,
 fidele perhiberet testimonium.
 Plura magis debito ordine fuissent dicenda,
 ex Tuæ eruditionis & virtutis Actoratu,
si in parata fuissent copia.
 Sed jam ipsa distributiva sententiantem Justitia,
 recipis condignum Meritis Tuis præmium.
 Cedit Tibi Doctoralis Utroq; in Jure Laurea
pro laborum impensis,
 Redditur obfigillatus annulò Liber,
 qui incorporatis Universitati huic,
Liber Beneficiorum est.
 Et sicut Doctoralis Utroq; in Jure Honor,
 est Tibi ad quem,
 ita omnis Prærogativa sit à quo

T E R M I N U S.


(y) In Causa Beatificationis Venerabilis Servi DEI Vincentii de Rosis Kadłubek est fidei Vice-Promotor.







Biblioteka Jagiellońska



stdr0019383

